

39. (Die zeeche in unser g. herren freyes gefunden und die vom geschwornen bergmeister in lehn ent[pfangen]. — Gewehr thun.)

fol. 25(108^b).

Nochdem er Gotcz von Wolffsdorff ritter zu Berga gesessen sine dritte clage thud zu Cuntcz Ecken, das er ym zzwene 32 teil durch sinen eigenen mutwillen und gewalt vorhelt in der Grafenzeeche, derselben 32 teil er redeliche ankunfft habe und dy gnußlichen zu recht bestalt zu vorlegen zc. 5 Sulcher schult mutet Cuntcz Ecke noch siner notdurfftigen bedingunge von ern Gotczen eyne rechte gewehre, und noch gethaner gewehre antwert er in langen schrifften uff den *grunt^a), er habe sulche zeechen in unsern gnedigen herren freyes funden, dy ym Raspe der geschworne bergmeister durch sunderlich geheiß und befehlen unser gnedigen herren also vor irer gnaden freyes verlihen habe. Daruff habe Cuntcz drey sontag noch enander und der rath zu Czwickaw den virden ußruffen laßen, 10 wer vormals teil in der benannten Grafenzeeche gehabt und redelich mit gebauwet und erhalten hette, der solde sich zu rechter zzeit finden, dem solde und wolde man sine teil widder geben. Noch sulcher ußruffunge hette sich er Gotcz noch nyemand von sinen wegen funden. Do hette er sich forder noch befehlen des bergmeisters mit sulchin teilen gehalden zc.

H. spr. w. n. b. v. r. Nochdem Cuntcz Ecke sulchir schulde eyne rechte gewehre mutet, 15 das er Gotcz ym dy billich ehir siner antwert thud, dy vorpfend, vorburget addir zu den hilgen sweret. So er abir ym dy zu thun wegern wurde, so ist er ym sulcher schulde antwert zu thun nicht pflichtig.

Uff ire schulde und antwert noch gethaner gewehre sprechen wir noch bergrecht vor recht. Had Cuntcz Ecke sulche zeeche in unser gnedigen herren freyes funden und ist ym so von Raspen dem 20 geschwornen bergmeister vor irer gnaden freyes verlihen und had sulche offfinberliche ußruffunge vier sontage noch enander zu Czwickaw gethan und thun laßen und er Gotcz noch seyn verleger addir ymands von sinen wegen haben sich in rechter zzeit zu sulchin teilen mit geburlicher zubeuß nicht gehalden, und kan das, wy recht ist, volkomen, so ist er nehir dorbey zu bleiben, dann yn er Gotcze mit siner anlage des vorhindern moge. 25

40.

fol. 25^b(108^b).

Clawß Schacht claget sein dritte ding zu schichtmeistern und gewerken und der zeeche zum Hilgen Lichnam uff dem Sneberge, er habe u 32 teil darynnen gehabt, verleget und bawlichen gehalden bey den alden und nochmals bey den nuwen gewerken, dy weren ym in eynem obirschriben, als Symon Grepelsetczer schichtmeister Clement Schicker dem nuwen schichtmeister das ampt 30 obirgegeben und dy teil der gnanten zeechen in schrifften obirgereicht hette, durch den schreiber ussengelaßen und obirsehn und er darubir ix obrige kucks obirgeantwert hette, mit forderm langen gesetcz zc. Dorkegen antwerten Clement Schicker, Nicolae Verber, Lorencz Stein und Nickel Zcopff in befehlunge und foller macht der andern gewerken, das sy Symon Grepelsetczer noch sein alt register addir schichtbuch, dormit sy Schacht meynt zu obirweißen, ynn berggerichte noch gestalten 35 sachen nicht leiden durffen, des sy yn hoffnung were, zum rechten, so Symon Grepelsetczer in sinem abschide von dem schichtampt den gewerken eyn volständige rechnunge gethan had der gewerken und teil halben, desglichen ouch allir ynname und ußgabe, daran dy gewerken ein gut gnuge gehabt hetten, und habe den gewerken do geantwert eyn register und darczu viii^l gulden an muntcz, in welcher rechnunge Grepelsetczer Schachts noch siner teil noch siner zubeuß ny gemeldet 40 noch gedacht habe, mit forderm ynhalde zc.

39. a) grung A.